



СВЯТЫЙ НИКАНДРУСЪ

НИКАНДРА ПСКОВСКОГО

ГЛАГОЛЮ
ВЪСХОДИТИ
ОТЪ ПЕСИНОУ
СЪЗДАТИ И
ВЪСХОДИТИ
ДВУМЪМЪ
ВЪСХОДИТИ
СЛАВЪ ЖИВЪ

АКАФИСТ

НИКАНДРУ ПСКОВСКОМУ



КОНДАК 1.

ВОЗБРАННЫЙ ОТ НАЧАЛЬНИКА И СОВЕРШИТЕЛЯ ВЕРЫ,
ГОСПОДА ИИСУСА, ДАННЫЙ ВО ОБРАЗ ПОСЛЕДОВАНИЯ
ПРАВОСЛАВНЫЯ ЦЕРКВЕ СОСЛОВИЮ, ДОБЛЕСТВЕННЫЙ
ПОДВИЖНИЧЕ И ЧУДОТВОРЧЕ ПРЕДИВНЫЙ, ПРЕПОДОБНЕ
ОТЧЕ НИКАНДРЕ!

ПОХВАЛЬНАЯ СО БЛАГОДАРЕНИЕМ ПРИНОСИМ ТИ
МОЛИТВЕННИЦЫ ТВОИ: ИБО ТЕПЛЫМ ТВОИМ
ПРЕДСТАТЕЛЬСТВОМ У ЦАРЯ НЕБЕСНАГО ВСЯ ПОЛЕЗНАЯ И
СПАСИТЕЛЬНАЯ ХОДАТАЙСТВУЕШИ НАМ. ЯКО ИМЕЯ
ДЕРЗНОВЕНИЕ КО ПРЕСТОЛУ БЛАГОДАТИ, ОТ ВСЯКИХ НАС
ЗЛОКЛЮЧЕНИЙ СВОБОДИ, ДА ЗОВЕМ ТИ:
РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

ЎКОС 1.

АНГЕЛЬСКИМИ ДЕВЯТОЧИСЛЕННЫМИ СИЛАМИ
ОКРУЖАЕМЫЙ СЛАВЫ ГОСПОДЬ, ПРЕДЪУВЕДЕВ
НЕУКЛОННОЕ СЕРДЦА ТВОЕГО ИЗВОЛЕНИЕ, ЯКО ХОЩЕШИ
БЫТИ ПОКОРИВЫМ УЧЕНИКОМ И ТЩАЛИВЫМ
ИСПОЛНИТЕЛЕМ ЗАПОВЕДЕЙ ЕГО, ВДОХНУ ТЕБЕ,
ЯКОЖЕ ДРЕВЛЕ ПРОРОЧИЦЕ АННЕ, ЕЖЕ ПРИБЕГАТИ КО
ХРАМУ ГОСПОДНЮ, ДА НАУЧИШИСЯ ТАМО НАЧАЛОМ
ПРЕМУДРОСТИ, ЯЖЕ ЕСТЬ СТРАХ ГОСПОДЕНЬ:
ТЕМЖЕ И НАУЧИ НАС СО УДИВЛЕНИЕМ ВОСПЕВАТИ ТЕБЕ
ТАКОВАЯ:

РАДУЙСЯ, БЛАГОЧЕСТИВАГО КОРЕНЕ БЛАГОЕ
ПРОЗЯБЕНИЕ.

РАДУЙСЯ, ЧУДНОЕ ВСЕХ ХРИСТИАНСКИХ ДОБРОДЕТЕЛЕЙ
ПЛОДОПРИНОШЕНИЕ.

РАДУЙСЯ, МЛАДЕНЧЕ, ПРИ КУПЕЛИ ОБНОВЛЕНИЯ
ПОСВЯТИВЫЙ СЕБЕ ГОСПОДУ НА СЛУЖЕНИЯ ВЕРНАЯ.

РАДУЙСЯ, ПОМАЗАННИЧЕ, ВОСПРИЕМЫЙ СВЫШЕ
ВСЕОРУЖИЯ ДУХОВНАЯ.

РАДУЙСЯ, ТЕМИ ОТ ЮНОСТИ НА ТЕЛО СВОЕ, НА МИР СЕЙ
И ДИАВОЛА СЕБЕ ОПОЛЧИВЫЙ.

РАДУЙСЯ, РАЗУМ СВОЙ КО СВЕТУ БОГОВЕДЕНИЯ
ВОСПЕРИВЫЙ.

РАДУЙСЯ, ОЧИМА ТВОИМА ВСЮДУ ГОСПОДА ИСКАВЫЙ И В
НЕМ НАМЕРЕНИЕ ПОЛАГАВЫЙ.

РАДУЙСЯ, СЛУХИ ТВОЯ НА ВОСПРИЯТИЕ ГЛАГОЛОВ
БОЖИИХ, ИМИЖЕ ВОЗРАЖДАЕТСЯ ВЕРА, ОБРАТИВЫЙ.

РАДУЙСЯ, УСТА ТВОЯ НА СЛАВОСЛОВИЕ БОЖИЕ И
ПСАЛМОПЕНИЕ, НА НАЗИДАНИЕ ИСКРЕННЕМУ ТВОЕМУ В
ДУШЕПОЛЕЗНЕМ ОТВЕРЗАЯЙ.

РАДУЙСЯ, РУЦЕ ТВОИ НА ТВОРЕНИЕ БЛАГОДЕЯНИЯ
ТРЕБУЮЩЫМ УСТРОЯЯЙ.

РАДУЙСЯ, НОЗЕ ТВОИ ШЕСТВОВАТИ ПО ПУТЕМ
ОПРАВДАНИЙ ГОСПОДНИХ УПРАВЛЯЯЙ.

РАДУЙСЯ, ВСЯ ТВОЯ ДУШЕВНАЯ И ТЕЛЕСНАЯ ЧУВСТВА НА
БЛАГОУГОЖДЕНИЕ ПОДАТЕЛЮ ВСЕХ БЛАГ УСТРЕМЛЯЯЙ.

РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 2.

ВИДЯ ПРЕПОДОБНЫЙ НИКАНДР ДУШЕВНЫМА ОЧИМА, ЯКО
В МИРЕ СЕМ ВСЯЧЕСКАЯ СУЕТА, И ЯКО НЕДОСТОЙНЫ СУТЬ
СТРАСТИ НЫНЕШНЯГО ВЕКА, ИМУЩЕЙ СЛАВЕ ЯВИТИСЯ НА
НЕБЕСЕХ, ПОТЩАЛСЯ, ОТВЕРГСЯ СЕБЕ, МИРА И ЯЖЕ В НЕМ,
НАСТАВЛЯЕМЬ ПРЕПОДОБНЫМ ЕВФРОСИНОМ И САВВОЮ,
ТЕСНЫМ И ПРИСКОРБНЫМ ШЕСТВОВАТИ ПУТЕМ В
ГОРНИЙ НЕБЕСНЫЙ ИЕРУСАЛИМ, ЕГОЖЕ ДОСТИГНУВ
НЫНЕ, ПРЕДСТОЯ ПРЕСТОЛУ АГНЧУ, ДОСТОЙНО
ВЕСЕЛИТСЯ С НИМИ И СО ВСЕМИ ИЗБРАННЫМИ, ПОЯ
ВСЕСИЛЬНОМУ БОГУ: АЛЛИЛУИА.

ИКОС 2

РАЗУМЕВ ГОСПОДЬ, НАПОИВЫЙ ТЯ, ПРЕПОДОБНЕ,
СЛОВЕСНЫМ И НЕЛЕСТНЫМ МЛЕКОМ БЛАГОЧЕСТИЯ,
СПОДОБИ ТЯ ПРЕСПЕВАТИ В МУЖА, В МЕРУ ВОЗРАСТА
СОВЕРШЕННА, ВОЗРАСТАЮЩА ВО СПАСЕНИЕ, ДА
ВКУСИШИ, ЯКО БЛАГ ГОСПОДЬ: К НЕМУЖЕ ПРИХОДЯ, САМ
ЯКО КАМЕНИЕ ЖИВО ЗИЖДЕШИСЯ В ХРАМ ДУХОВЕН, В
СВЯТИТЕЛЬСТВО СВЯТО, ВОЗНОСИТИ ЖЕРТВЫ ДУХОВНЫЯ
БЛАГОПРИЯТНЫ БОГОВИ; И ДА БЛАГОУСПЕЕШИ В СЕМ.
УДАЛИВСЯ ОТ ДОМУ ТВОЕГО, ВДАЛ ЕСИ СЕБЕ МУЖУ
БОГОБОЯЗЛИВУ, НАВЫКНУТИ ОТ НЕГО, ЯЖЕ СУТЬ НА
ПОТРЕБУ: УВЕДЕТИ ПИСАНИЯ, В НИХЖЕ СОКРОВЕН ЕСТЬ
ЖИВОТ ВЕЧНЫЙ, И ДА НАУЧИШИ НАС ПРИГЛАШАТИ ТЕБЕ
ТАКОВАЯ:

РАДУЙСЯ, ЮНОШЕ, ВСЯ ДЕТСКАЯ ИГРАЛИЩА, ЯКО
ПОПОЛЗНОВЕНИЕ КО ЗЛУ, ПРЕЗРЕВЫЙ.

РАДУЙСЯ, МУДРОВАНИЕМ ГОРНИХ, А НЕ ЗЕМНЫХ, ЯКО
МНОГОЦЕННЫМ БИСЕРОМ, СИЯВЫЙ.

РАДУЙСЯ, ОНЫМ ЛИЦЕ ТВОЕ И СЕРДЦЕ УКРАСИВЫЙ.

РАДУЙСЯ, ГОСПОДА ОТ ВСЕЯ ДУШИ И ВСЕЯ КРЕПОСТИ
ТВОЕЯ ВОЗЛЮБИВЫЙ.

РАДУЙСЯ, НЕ ТОЧИЮ ДЕНЬ СУББОТНЫЙ, НО И ВСЯ ДНИ
ЖИВОТА ГОСПОДУ БОГУ СВЯТИВЫЙ.

РАДУЙСЯ, НИКОЛИЖЕ ИМЕНЕ ГОСПОДА БОГА ТВОЕГО
ВСУЕ ПРИЕМЫЙ.

РАДУЙСЯ, РОДИТЕЛЕЙ ТВОИХ ЛЮБОВИЮ, ПОСЛУШАНИЕМ
И ВОЗДАЯНИЕМ ДОЛЖНЫМ ПОЧТИВЫЙ.

РАДУЙСЯ, БЛИЖНЯГО ТВОЕГО, ЯКО СЕБЕ САМАГО
ВОЗЛЮБИВЫЙ.

РАДУЙСЯ, ЮНОСТЬ ТВОЮ В ЦЕЛОМУДРИИ ОБУЧИВЫЙ.

РАДУЙСЯ, ЯКО ДЕВУ ЧИСТУ, ЖЕНИХУ ХРИСТУ СЕБЕ
ОБРУЧИВЫЙ.

РАДУЙСЯ, ПИСАННАЯ В ЗАКОНЕ БЛАГОДАТИЮ БОЖИЕЮ
СОТВОРИВЫЙ, И В УСОВЕРШЕНИЕ СЕГО ЕЩЕ ЕДИНО
ДОКОНЧАВЫЙ.

РАДУЙСЯ, ВСЯ ИМЕНЯ ТВОЯ ПРОДАВЫЙ, И ДА ЖИВОТ
ВЕЧНЫЙ НАСЛЕДИШИ, НИЩЫМ РАЗДАВЫЙ.

РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 3

СИЛА БОЖЕСТВЕННОГО ЕВАНГЕЛЬСКОГО СЛОВА:
«ПРИИДИТЕ КО МНЕ ВСИ ТРУЖДАЮЩИИСЯ И
ОБРЕМЕНЕННИИ, И АЗ УПОКОЮ ВЬ», ПОДОБНО МЕЧУ
ОБОЮДУ ОСТРУ, ПРОНИКНУ ТВОЕ, ПРЕБЛАЖЕННЕ,
РЕВНОСТНОЕ СЕРДЦЕ, БЫВШУ ТЕБЕ СО БЛАГОГОВЕНИЕМ
ВО СВЯТЕМ ХРАМЕ: ЕГОЖЕ ДЕЙСТВИЯ ТОЛИКО ИСПОЛНЕН
БЫЛ ЕСИ, ЯКО НИЧЕСОМУ ЗАПИНАЮЩУ, ПАЧЕ ЖЕ ПУТЬ
ТЕБЕ ПОКАЗУЮЩЕМУ БОЖИИМ ИЗВОЛЕНИЕМ МУЖУ
ФЕОДОРУ, ПРОСТРЫЙ ДУХ ТВОЙ, ЯКО ГОРЛИЦА В
ПУСТЫНЮ НЕПРОХОДИМУЮ ВОДВОРИЛСЯ ЕСИ, И ТАМО
ВОЗДВИГНУВ НЕКОЕ ЖИЛИЩЕ, СЕБЕ САМАГО ПРЕДСТАВИЛ
ЕСИ СЕЛЕНИЕ БОГУ ВЫШНЕМУ, ПОЯ ЕМУ В ПОДВИЗЕХ
МОЛИТВЫ И ПОЩЕНИЯ ВСЕГДА: АЛЛИЛУИА.

ИКОС 3

ИМЕЯ ОСНОВАНИЕ БОГОУГОДНОГО ЖИТИЯ ТВОЕГО,
ПРЕБЛАЖЕННЕ ОТЧЕ НАШ, СМИРЕНИЕ, КРОТОСТЬ И
НЕТЩЕСЛАВИЕ, ДА ОТЕЦ ТВОЙ, ВИДЯ В ТАЙНЕ, ВОЗДАСТ
ТЕБЕ ЯВЕ, МНИЛ ЕСИ МЕСТА ПУСТЫННАЯ БЫТИ
СОКРОВЕНИЕ ТВОЕЯ ДОБРОДЕТЕЛИ.
НО ЯКОЖЕ РЕЧЕСЯ: «НЕСТЬ ГЛАС, ИЖЕ НЕ УСЛЫШИТСЯ»;
ТАКО И СВЯТОЕ ЖИТИЕ ТВОЕ ПРОСЛАВИСЯ ВО
ОКРЕСТНЫХ СТРАНАХ.
И ДА НЕ КАКО ПАКОСТНИК ПЛОТИ, АНГЕЛ САТАНИН,
ПРЕПНЕТ ТВОЕМУ ШЕСТВИЮ, И ДА НЕ ИСКУСИТ ТЯ
ПОХВАЛИТСЯ О СЕМ: СЕГО РАДИ ОСТАВИВ МЕСТО
ПРЕБЫВАНИЯ ТВОЕГО, БОГУ ЛУЧШЕЕ ЧТО О ТЕБЕ
ПРЕДЗРЕВШУ, ПРИТЕКЛ ЕСИ ВО ОБИТЕЛЬ СВЯТАГО
ИОАННА БОГОСЛОВА, И ОТКРОВЕННЫМ ГЛАСОМ ПРЕД
ЦЕРКОВИЮ И АНГЕЛАМИ ИЗРЕК СВЯЩЕННЫЯ ОБЕТЫ,
ВДАЛ ЕСИ СЕБЕ ВО СЛУЖЕНИЕ ИНОЧЕСКОЕ. ТЕМЖЕ
ВОСПЕВАЕМ ТИ ТАКОВАЯ:
РАДУЙСЯ, ВОИНЕ, НЕ ДВЕМА ГОСПОДИНОМА РАБОТАТИ,
НО ЕДИНОМУ ТОЧИЮ, ЖИВУЩЕМУ НА НЕБЕСЕХ,
ВОСХОТЕВЫЙ.

РАДУЙСЯ, ВСЯ ПОВЕЛЕННАЯ ЧРЕЗ НАЧАЛЬНИКОВ
ПОСТАВЛЕННЫХ ОТ НЕГО С РАДОСТИЮ, А НЕ С
ВОЗДЫХАНИЕМ ТВОРИВЫЙ.

РАДУЙСЯ, ПОНЕСЫЙ ТЕРПЕЛИВОДУШНО И САМАЯ
ВЕЛИКАЯ ОЗЛОБЛЕНИЯ.

РАДУЙСЯ, ПЛОТЬ ТВОЮ ВОЮЮЩУЮ НА ДУХА УМЕРТВИВЫЙ
ЧРЕЗ МОЛИТВУ И СУРОВАЯ ПОЩЕНИЯ.

РАДУЙСЯ, УЕДИНЕННО В БОГОМЫСЛИИ И СЛЕЗАХ НОЩИ
ПРОВОДИВЫЙ.

РАДУЙСЯ, ТЕЛО ТВОЕ, ВО УМЕРЩВЛЕНИЕ СТРАСТЕЙ, НА
СНЕДЕНИЕ ЛЕТАЮЩИМ ЖИВОТНЫМ ОБНАЖИВЫЙ.

РАДУЙСЯ, КРОВЬМИ МУЧЕНИЧЕСКИМИ ВО
СВИДЕТЕЛЬСТВО НЕПРЕЛОЖНЫЯ ВЕРЫ ОБАГРЕННЫЙ.

РАДУЙСЯ, ПО РАСПЯТИИ ВЕТХАГО АДАМА, НОВЫМ, ИЖЕ
ЕСТЬ ХРИСТОС, В ПРЕПОДОБИИ И ПРАВДЕ
ОЖИВОТВОРЕННЫЙ.

РАДУЙСЯ, КРЕСТИВЫЙСЯ ВО ХРИСТА.

РАДУЙСЯ, ОБЛЕКИЙСЯ ВО ВСЯ ВЕЛЕЛЕПОТЫ ЕГО.

РАДУЙСЯ, ХЛЕБА АНГЕЛЬСКАГО ВО ДВОРЕХ ВЫШНЯГО
СИОНА ВКУШАЯЙ.

РАДУЙСЯ, ГЛАГОЛОМ БОЖИИМ НА ТРУДЫ
МНОГОРАЗЛИЧНЫЯ СЕБЕ УКРЕПЛЯЯЙ.

РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 4

БУРЯ СМУЩЕНИЯ, ВОЗДВИЗАЕМАЯ ВЕТРЫ
МНОГОРАЗЛИЧНЫХ О ПРЕПОДОБНОМ ЖИТИИ ТВОЕМ
ПОМЫШЛЕНИЙ, ПРЕБЫВАЮЩИХ С ТОБОЮ ВО
ОБЩЕЖИТЕЛЬСТВЕ, КОЛЕБЛЕТ КОРАБЛЬ СМИРЕНИЯ
ТВОЕГО. ТЫ ЖЕ, СМИРЕНИЯ РАЧИТЕЛЮ, ПАЧЕ И ПАЧЕ
ИСПОЛНЯЯСЯ ОНЫМ, ГРЯДЕШИ ПАКИ В ПУСТЫНЮ, ЮЖЕ
ТИ УКАЗА ГЛАС НЕВИДИМАГО ОТ ОЛТАРЯ ИСХОДЯЙ, ДА
ТАМО НА ВЯЩШЫЯ ПОДВИГИ, ПРЕПОЯСАВСЯ СИЛОЮ
СВЫШЕ, ОБРАТИШИСЯ, ПОПИРАЯ СИЛОЮ КРЕСТА ВСЯ
СОПРОТИВНАГО КОЗНИ, ДА ТАКО СОПЛЕТ
ПОБЕДОНОСНЫЙ ВЕНЕЦ, УДОСТОИШИСЯ ПРИЯТИ НА
ГЛАВУ ТВОЮ ОТ РУКИ ГОСПОДА, ВСЕГДА ПОБЕДИТЕЛИ НАС
ТВОРЯЩАГО, ПОЯ ЕМУ: АЛЛИЛУИА.

ИКОС 4

СУЩУ ТИ НА МЕСТЕ, ВЕЛИКИЙ ПОДВИЖНИЧЕ, ИДЕЖЕ БЕ
УСТРОЕНО ЖИЛИЩЕ ТВОЕ, БОГУ ТАКО ДЕЙСТВУЮЩУ,
ТЕЧЕНИЕ ТВОЕ СОВЕРШАЛ ЕСИ В ТЕПЛЫХ МОЛИТВАХ, ВО
УПОВАНИИ НЕСОМНИТЕЛЬНОМ, ЯКО НЕ ИЗНЕМОЖЕТ ОТ
БОГА ВСЯК ГЛАГОЛ, И В ЛЮБВИ, ОТ НЕЯЖЕ НИ РАНАМИ, НИ
ПРЕЩЕНИЕМ, НИ ГЛАДОМ, НИ ИНОЮ КОЕЮ НУЖДЕЮ
ОТВЛЕЧЕН БЫТИ ВОЗМОГЛ ЕСИ:

ОБАЧЕ ДИАВОЛ, ЯКО ЛЕВ, ИСКИЙ КОГО ПОГЛОТИТИ,
НАУСТИ БЕЗЧЕЛОВЕЧНЫЯ РАЗБОЙНИКИ, ЕЖЕ ПРЕДАТИ ТЯ
ГУБЛЕНИЮ, НО НИЧТОЖЕ ВОЗМОЖЕ.

ПАЧЕ ЖЕ ПРОСЛАВИСЯ ТВОЕ НЕИЗРЕЧЕННОЕ ТЕРПЕНИЕ:
ЕГДА БО ОТ ЯЗВЫ КОПИЕМ В РЕБРА ВЕСЬ ОБАГРЕН БЫЛ ЕСИ
КРОВИЮ, ТОГДА ВОЗОПИЛ ЕСИ В ДУШИ ТВОЕЙ, ЯКОЖЕ
СТЕФАН: «ОТЧЕ, ОТПУСТИ ИМ!»

МЫ ЖЕ ЗРЯЩЕ ТВОЕ КРЕПКОЕ БЛАГОДУШИЕ, СО
УДИВЛЕНИЕМ ВОПИЕМ ТИ ТАКОВАЯ:

РАДУЙСЯ, СТРАДАЛЬЧЕ, ПОСВЯТИВЫЙ В ЖЕРТВУ ПРИЯТНУ
БОГОВИ СЕБЕ САМАГО.

РАДУЙСЯ, НЕ УБОЯВЫЙСЯ ОТ УБИВАЮЩИХ ТЕЛО, ДУШИ ЖЕ
НЕ МОГУЩИХ УБИТИ.

РАДУЙСЯ, КАМЕНЮ НЕПОКОЛЕБИМЫЙ, ОТ НЕГОЖЕ ВСЯ
ВОЛНЫ СВИРЕПСТВУЮЩЫЯ СОКРУШАЮТСЯ.

РАДУЙСЯ, ЯКО В ТЕБЕ ВЕРА, ЛЮБЫ, СМИРЕНИЕ И
НЕЗЛОБИЕ ЯВЛЯЮТСЯ.

РАДУЙСЯ, МУЖУ СКОРБЕЙ, РАДУЯЙСЯ СО СВЯТЫМ ПАВЛОМ
ВО СТРАДАНИИХ СВОИХ.

РАДУЙСЯ, ПРИЕМЛЯЙ РАДОСТЬ, ВЕСЕЛИЕ И МЗДУ МНОГУ
НА НЕБЕСЕХ.

РАДУЙСЯ, КРОВИЮ ТВОЕЮ, ЯКО ГЛАСОМ ВОПИЮЩИМ НА
НЕБО, ОВЫХ ОСЛЕПЛЕНИЕМ ОЧЕС И ПОТОПЛЕНИЕМ
ПОРАЗИВЫЙ.

РАДУЙСЯ, ТОЮЖДЕ КРОВИЮ ОВЫХ НА ПУТЬ ИСТИННЫЙ
РАСКАЯНИЯ ОБРАТИВЫЙ.

РАДУЙСЯ, ПРИШЕДШЫМ ИМ К ТЕБЕ НЕ ГРОЗНЫЯ И
МЕСТНЫЯ ВЗОРЫ ЯВИВЫЙ.

РАДУЙСЯ, ЯКО ОТЕЦ СЕРДОБОЛНЫЙ РАЗВРАЩЕННЫХ ЧАД
НЕ ОСКОРБИВЫЙ.

РАДУЙСЯ, ИЗЛИЯНИЕМ КРОВЕ ТВОЕЯ ВЕНЧАВЫЙСЯ С
МУЧЕНИКИ И СТРАТОТЕРПЦЫ.

РАДУЙСЯ, НЕ ТОЧИЮ ВСЕХ ПРИТЕКАЮЩИХ К ТЕБЕ С
ВЕРОЮ, НО И О ВРАЗЕХ ТВОИХ ТЕПЛЫЙ МОЛИТВЕННИЧЕ.
РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 5

БОГОТЕЧНАЯ ЗВЕЗДА, ЗАИМСТВУЮЩАЯ СВЕТ СВОЙ ОТ
ИСТИННАГО СОЛНЦА ПРАВДЫ, ГОСПОДА ИИСУСА, ЯВИЛСЯ
ЕСИ НАМ, БОГОБЛАЖЕННЕ НИКАНДРЕ, ВО МРАЧНЕЙ НОЩИ
МНОГОСТРАДАЛЬНОГО ЖИТИЯ СЕГО СПЯЩЫМ И
ЗАБЛУЖДАЮЩИМ, ПОКАЗУЯЙ НАМ ПЕРВЕЕ ВРЕМЯ
ВОСТАНИЯ ОТ СНА ГРЕХОВНАГО:

ТАЖЕ БЛАГОВИДНЫМ ОБРАЗОМ СВОИМ, СЛОВОМ,
ЖИТИЕМ, ЛЮБОВИЮ, ДУХОМ, ВЕРОЮ, ЧИСТОТЮ,
КРОТОСТИЮ И ТЕРПЕНИЕМ, ВЕДЫЙ ПО ПУТИ СПАСЕНИЯ К
ГОРНЕМУ НЕБЕСНОМУ ОТЕЧЕСТВУ ВСЕХ ПРИБЕГАЮЩИХ К
ТЕБЕ И ВОПИЮЩИХ БОГУ: АЛЛИЛУИА.

ИКОС 5

ВИДЕВШЕ ПРАВОСЛАВНЫЯ ЦЕРКВЕ БЛАГОЧЕСТИВАЯ ЧАДА,
ПАЧЕ ЖЕ ОКРЕСТНИИ, РЕВНОСТНОЕ ТВОЕ ПО ЗАПОВЕДЕМ
ГОСПОДНИМ ЖИТИЕ, И БЛАГОДАТЬ ДУХА СВЯТАГО
ОБИТАЮЩЮЮ В СЕРДЦЫ ТВОЕМ, ЕЮЖЕ УМУДРИВСЯ ВО
СПАСЕНИЕ, ПРЕПОДАВАЛ ЕСИ ПОСЛУШАЮЩИМ ТЯ
ОТЕЧЕСКАЯ НАКАЗАНИЯ, И ЕЮЖЕ ВРАЧЕВАЛ ЕСИ НЕ
ТОКМО НЕДУГИ ДУШЕВНЫЯ, НО И ТЕЛЕСНЫЯ, ПРИТЕКАХУ
К ТЕБЕ С ВЕРОЮ НЕ ВОЗВРАЩАЮЩЕСЯ ТЩЫ, НО ЯКОЖЕ
ОБЛАЦЫ ПОДНЕБЕСНИИ ИСПОЛНЕНИ ВЛАГИ, ОРОШАХУ
НИВЫ СЕРДЕЦ СВОИХ, ВОЗВРАЩАЮЩЕ БЛАГИЯ ПЛОДЫ
ВЕРЫ И ВОПИЮЩЕ ТАКОВАЯ:

РАДУЙСЯ, ИСТОЧНИЧЕ, ПОСРЕДЕ БЕЗВОДНЫХ МЕСТ
ИСТОЧАЯЙ СЛАДКИЯ ВОДЫ ПОЛЕЗНЫХ УЧЕНИЙ.

РАДУЙСЯ, НАСТАВНИЧЕ ПРЕДОБРЫЙ В НАДЕЖДИ
ТРЕБУЮЩИХ О БОЖИИ МИЛОСЕРДИИ УВЕРЕНИЙ.
РАДУЙСЯ, ДРЕВО БЛАГОСЕННОЛИСТВЕННОЕ,
УСПОКОЯЮЩЕЕ ПРОХЛАДОЮ И УТЕШЕНИЕМ ВО ЮДОЛИ
СЕЙ СТРАНСТВУЮЩИХ.
РАДУЙСЯ, СОВЕРШЕННЫМИ ПЛОДАМИ ОНАГО
НАСЫЩАЮЩЕЕ ПРАВДЫ ХРИСТОВЫ АЛЧУЩИХ.
РАДУЙСЯ, МИРОВАРНИЦЕ, НА ВСЯ НЕДУГИ ВРАЧЕВАНИЯ
СОДЕРЖАЩАЯ.
РАДУЙСЯ, ОНАЯ, ЯКО ВРАЧ СКОРОМИЛОСТИВИЙ,
БЕЗМЕЗДНО НЕДУГУЮЩИМ ПОДАВАЯЙ.
РАДУЙСЯ, МИЛОСТИ ПРЕВЕЛИКИЯ И СКОРБЯЩИМ
СКОРОПРЕДСТАТЕЛЬНОГО СОСТРАДАНИЯ ХРАНИЛИЩЕ.
РАДУЙСЯ, НЕПОВИННЫХ РАЗРЕШЕНИЕ И ОСУЖДЕННЫХ
ПРАВЕДНОЕ СУДИЛИЩЕ.
РАДУЙСЯ, ПОТЩАВЫЙСЯ О НИЩЕТЕ ДУХОВНЕЙ И ТОЮ
ВСЕЛИВЫЙ ВНУТРЬ ТЕБЕ ЦАРСТВИЕ БОЖИЕ.
РАДУЙСЯ, ПРИЛЕЖАВЫЙ НЕОСЛАБНО ЧИСТОТЕ ДУШЕВНЕЙ
И ТЕЛЕСНЕЙ, И ТОЮ ЖЕ ЗРЯЙ БОГА.
РАДУЙСЯ, СВЕТИЛЬНИЧЕ, ЕЛЕЕМ ДАРОВАНИЙ ДУХА
СВЯТАГО ВОЗЖЖЕННЫЙ.
РАДУЙСЯ, НА ВЫСОКО МЕСТО СЛАВЫ НЕБЕСНЫЯ
ВОЗНЕСЕННЫЙ.
РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 6

ПРОПОВЕДУЮТ БЕЗМОЛВНЫЯ ПУСТЫНИ, ОБИТЕЛИ, ГРАДИ
И ВЕСИ БЕЗСТРАСТНОЕ ЖИТИЕ ТВОЕ, ЕЖЕ СТЯЖАЛ ЕСИ,
БОГОМУДРЕ, ПЕРВЕЕ УМЕРТВИВ ПЛОТЬ ТВОЮ БДЕНИЕМ,
ПОЩЕНИЕМ, СТОЯНИЕМ НА МОЛИТВОСЛОВИИХ, НИЖЕ
ВОЗЛЕГЕНИЕМ НА РЕБРА, ТОЧИЮ ПРЕКЛОНЕНИЕМ ГЛАВЫ
И МАЛЫМ ДРЕМАНИЕМ.
ПРОТИВУ ЖЕ ДИАВОЛЬСКИХ НАВАЖДЕНИЙ И ПОЛЧИЩ
ЕГО, ОВОГДА ВО ВСАДНИКИ НА КОНЕХ, С ТИМПАНЫ И
КЛИЧАМИ, ОВОГДА В ЛЮТЫХ ВОЛКОВ И ДИВИИХ ЗВЕРЕЙ
ПРЕОБРАЖАВШИХСЯ, ВООРУЖАЛСЯ ЕСИ:

ОВЫХ ПОРАЖЕНИЕМ ЖЕЗЛА, ОВЫХ СИЛОЮ КРЕСТА, И СИМ, ЯКО ВЕЛИКИЙ КОНСТАНТИН, ПОБЕЖДАЛ ЕСИ.

О НЕМЖЕ ХВАЛЯСЯ, ЯКО ОРУЖИИ НЕПОБЕДИМЕМ, ПОЕШИ РАСПЯТОМУ НА НЕМ ВСЕГДА: АЛЛИЛУИА.

ИКОС 6

ВОЗСИЯЛ ЕСИ ЦАРСТВУ ПРАВОСЛАВНО-РОССИЙСКОМУ ПОД ЛЕТЫ ВЕЛИКИЙ СВЕТИЛЬНИК, ПОСТАВЛЕННЫЙ НЕ ПОД СПУДОМ, НО НА СВЕЩНИЦЕ, ИСПОЛНЕН ЕЛЕА ЧИСТА ВЕРЫ, НАДЕЖДЫ И ЛЮБВЕ К СОТВОРШЕМУ ТЯ, ПАЧЕ ЖЕ ХРИСТИАНСКАГО ТЕРПЕНИЯ, НЕЗЛОБИЯ И ЧУДНАГО ВОЗДЕРЖАНИЯ ОТ БРАШЕН, ДА ЯВИШИ ВСЕМ ЛЮБОВИЮ ЧТУЩЫМ ТЯ, ЯКО НЕ О ХЛЕБЕ ЕДИНЕМ ЖИВ БУДЕТ ЧЕЛОВЕК, НО О ВСЯКОМ ГЛАГОЛЕ, ИСХОДЯЩЕМ ИЗ УСТ БОЖИИХ.

ТЕМЖЕ И МЫ, ПОКРЫВАЕМИИ ТМОЮ ГРЕХОПАДЕНИЙ, АЛЧУЩИИ И ЖАЖДУЩИИ ДУХОМ, ВЗИРАЮЩЕ НА ТЯ, РАДОСТНАЯ ПРИГЛАШАЕМ ТИ ТАКО:

РАДУЙСЯ, ВОИНЕ ХРИСТА БОГА НАШЕГО ИЗБРАННЫЙ, ПРЕБЫВАЯЙ ЕМУ ВЕРЕН ДАЖЕ ДО СМЕРТИ.

РАДУЙСЯ, ВО БРАНИ ЖИТИЯ НЕВИДИМЫХ ВРАГОВ МУЖЕСТВЕННО ПОБЕДИВЫЙ.

РАДУЙСЯ, ВО СЛУЖЕНИИ ТВОЕМ, ЯКО ТЕЧЕЦ СКОРЫЙ, НЕ ВОЗВРАТИВЫЙСЯ ВСПЯТЬ.

РАДУЙСЯ, СЕМЯ СЛОВА БОЖИЯ НЕ НА СЕРДЦЕ КАМЕННО, НО НА СЕРДЦЕ ПЛОТЯНО ПРИИМЫЙ.

РАДУЙСЯ, ПРОИЗРАСТИВЫЙ БЛАГИЯ ПЛОДЫ, С НИМИЖЕ ЯВИЛСЯ МИРОВИ.

РАДУЙСЯ, ЯКО ТЕМИ МИР ПРОСЛАВЛЯЕТ ОТЦА, ИЖЕ ЕСТЬ НА НЕБЕСЕХ.

РАДУЙСЯ, НАДЕЖДУ ТВОЮ И В ЖИЗНИ И В СМЕРТИ ВОЗЛОЖИВЫЙ НА ГОСПОДА ЕДИНА.

РАДУЙСЯ, ТОЮ ПОКОРИВЫЙ ВСЯ ТЕБЕ СОПРОТИВНАЯ.

РАДУЙСЯ, ОНОЮ, ЯКО НЕПОБЕДИМЫМ ЩИТОМ, СЕБЕ ОГРАДИВЫЙ.

РАДУЙСЯ, ЛЮБОВИЮ ТВОЕЮ НЕРАЗЛУЧНО СЕБЕ ЖЕНИХУ ХРИСТУ УНЕВЕСТИВЫЙ.

РАДУЙСЯ, ТОЮ ВСЕХ БЛАЖЕНСТВ, ИХЖЕ СТЯЖА КРОВИЮ СВОЕЮ, ПРИСНО НАСЛАЖДАЯСЯ.

РАДУЙСЯ, ЯКО СЕДЕНИЕМ ХРИСТА ОДЕСНУЮ БОГА И ХОДАТАЙСТВОМ ЕГО ВОПИЛ ЕСИ В СЕРДЦЫ ТВОЕМ: «АВВА ОТЧЕ!»

РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ НАШ.

КОНДАК 7

ХОТЯЩУ НЕКОЕМУ БОГОБОЯЗЛИВУ МУЖУ СИМЕОНУ ПРИИТИ ПОКЛОНИТЬСЯ ТЕБЕ И НАСЫТИТЬСЯ СЛАДОСТНЫХ УЧЕНИЙ ТВОИХ, ИМИЖЕ ВОЗМОГЛ БЫ УКРЕПИТИ ДУШУ СВОЮ, ЯКОВАЯ И УЛУЧИЛ ЕСТЬ. НО ТЫ, ПРОЗОРЛИВЧЕ, ПРЕДРЕКЛ ЕСИ ЕМУ СКОРОПРИБЛИЖАЮЩУЮСЯ КОНЧИНУ И ПРЕДУГОТОВАЛ ЕСИ ЕГО К МИРНОМУ ОТШЕСТВИЮ ИЗ СЕЯ ПЛАЧЕВНЫЯ ЮДОЛИ В ВЕЧНУЮ НЕСКОНЧАЕМУЮ ЖИЗНЬ: ЧЕСО РАДИ ПРИИМ ИНОЧЕСКИЙ ОБРАЗ, УСТРЕМИ ДУШУ СВОЮ ГОРЕ, И ДОБРЕ ПОЖИВ, СКОНЧАСЯ И ПРЕСЕЛИСЯ ВО БЛАЖЕННАЯ НЕДРА АВРААМОВА; О ЧЕСОМ ТЫ ПРОСЛАВЛЯЯ БОГА, ПОЕШИ БЛАГОДАРСТВЕННАЯ: АЛЛИЛУИА.

ИКОС 7

НОВАГО ТЯ ПРОРОКА ЯВИ ДИВНЫЙ В ВЫСОКИХ ГОСПОДЬ, РАЗДЕЛЯЯЙ КОЕМУЖДО ДАРОВАНИЯ СВЯТАГО ДУХА, ДАРОВАВ ТЕБЕ СИЛУ ПРОЗОРЛИВОСТИ:

БЛАГОРОДНУ БО НЕКОЕМУ МУЖУ ПЕТРУ, ЗАМАТОРЕВШУ ВО ДНЕХ СВОИХ С ЖЕНОЮ И БЕЗЧАДНУ, ЧУДЕСНО ПРИВЕДЕННОМУ К ТЕБЕ, ПРЕДРЕКЛ ЕСИ, ЯКО ИМАТЬ РОДИТИСЯ СЫН ЕМУ, И ЯКО ВОЗДВИГНЕТСЯ НА МЕСТЕ БЕЗМОЛВИЯ ТВОЕГО ХРАМ ПРЕСВЯТЫЯ БОГОМАТЕРЕ, И РАСПРОСТРАНИТСЯ МЕСТО СИЕ И ПРОСЛАВИТСЯ, ЕЖЕ И СБЫТСЯ, ЧЕСОВОМУ УДИВЛЯЮЩЕСЯ, ВОПИЕМ ТИ: РАДУЙСЯ, МУЖУ ПРОРЕЧЕНИЙ, ИСПОЛНЕНИЕМ ДЕЛА УВЕНЧАННЫХ.

РАДУЙСЯ, БУДУЩАЯ ЯКО НАСТОЯЩАЯ БЛАГОДАТИЮ БОЖИЕЮ СОЗЕРЦАЯЙ.

РАДУЙСЯ, БЛАГОГЛАСНАЯ ТРУБА, ЕЮЖЕ ВОЗДВИЗАЮТСЯ
СЕРДЦА ЗЕМНОРОДНЫХ УНЫЛАЯ.
РАДУЙСЯ, ДУХОВНАЯ СКРИЖАЛЬ, НА НЕЙЖЕ ИЗОБРАЖЕНА
СУТЬ ПРЕДСКАЗАНИЯ НЕЛОЖНАЯ.
РАДУЙСЯ, ИНОКОВ ПУСТЫННОЖИТЕЛЬНЫХ НАСТАВНИЧЕ
И ОСНОВАТЕЛЮ.
РАДУЙСЯ, МОЛИТВАМИ ТВОИМИ ОБИТЕЛИ ЧУДНЫЯ
РАСПРОСТРАНИТЕЛЮ.
РАДУЙСЯ, ОСКУДЕНИЯ МОНАСТЫРСКАЯ ОБИЛЬНЕ
ИСПОЛНИВЫЙ И ОТ ХИЩНИКОВ ЧУДЕСНЕ ЗАЩИТИВЫЙ.
РАДУЙСЯ, ДОБРЕ СТАДО ТОБОЮ СОБРАННОЕ КО
СПАСЕНИЮ НАСТАВЛЯЙ.
РАДУЙСЯ, ОБРАЗЕ НИЩЕТЫ ДУХОВНЫЯ БЛАГОВИДНЫЙ.
РАДУЙСЯ, ВСЯ МИРА СЕГО КРАСНАЯ, ЯКО
СКОРОИСЧЕЗАЮЩАЯ, БОГА РАДИ ПРЕЗРЕВЫЙ.
РАДУЙСЯ, МНОГИЯ ЛЮДИ ОТ ПУТИ ГРЕХОВНАГО КО
ГОСПОДУ ОБРАТИВЫЙ И СПАСЫЙ.
РАДУЙСЯ, ПРИЗЫВАЮЩИХ ТЯ УТЕШЕНИЙ ДУХОВНЫХ
ИСПОЛНЯЙ.
РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 8

СТРАННОЕ ВИДЕНИЕ И СЛЫШАНИЕ НЕ ПЛЕНЯЮЩИМ
РАЗУМА В ПОСЛУШАНИИ ВЕРЫ И НЕ ПОКАРЯЮЩИМ
ИСТИНЕ ЯВЛЯЕТСЯ БЫТИ СИЕ, ЯКО ОВОГДА ЧРЕЗ СОННОЕ
ВИДЕНИЕ, ПРОСТЕРТИЕМ РУКИ ТВОЕЯ, ОВОГДА ЧРЕЗ
ГЛАГОЛ ПРИВЕТЛИВ, ОВОГДА ЧРЕЗ РАЗЛИЧНАЯ ЗНАМЕНАЯ,
РАЗСЛАБЛЕННЫМ, БОЛЯЩИМ, НЕДУГУЮЩИМ
СОВЕРШЕННОЕ ПОДАЕШИ ИСЦЕЛЕНИЕ:
МЫ ЖЕ ВЕРОЮ ПЛЕНЯЕМИ, ЯКО БОГУ ВСЯ ВОЗМОЖНА
СУТЬ, И «ВЕРУЯЙ В МЯ, ДЕЛА, — ЯКОЖЕ РЕЧЕ ХРИСТОС, —
ЯЖЕ АЗ ТВОРЮ, БОЛЬША СИХ СОТВОРИТ», ПРОСЛАВЛЯЕМ В
ТЕБЕ ЧУДОТВОРЯЩАГО БОГА. ТЕБЕ ЖЕ ИСПОВЕДАЮЩЕ
ДОСТОЙНЫМ ВСЕМОГУЩЕСТВА ЕГО ОРУДИЕМ БЫТИ,
ВЕЛЕГЛАСНО ВОПИЕМ: АЛЛИЛУИА.

ИКОС 8

ВЕСЬ БЫВ ПРЕДАН БОГУ:

РАЗУМОМ — ЯКО ПОМЫШЛЯТИ О НЕМ,
ВОЛЕЮ — ЯКО ТВОРИТИ УГОДНАЯ ЕМУ,
ПАМЯТИЮ — ПРИВОДЯ СЕБЕ НЕОБЪЕМЛЕМОЕ
ПРИСНОСУЩИЕ ЕГО, ВСЯ НАЗИРАЮЩЕЕ И ВСЯ ВЕДУЩЕЕ,
ПРЕДСТАВИЛ ЕСИ ТОМУ И ТЕЛО ТВОЕ, ИЗМОЖДИВ И
ОЧИСТИВ Е БДЕНИЕМ, ПОЩЕНИЕМ И ЧУДНЫМ
ВОЗДЕРЖАНИЕМ, ДА СПОДОБИШИСЯ БЫТИ СЕЛЕНИЕ БОГУ
ВЫШНЕМУ, ДА ПРЕБУДЕШИ ВО ХРИСТЕ, И ТОЙ В ТЕБЕ.
СЕГО РАДИ ВО ВРЕМЯ СВЯТАГО ПОСТА ПРИТЕКАЛ ЕСИ В
ДЕМЯНСКУЮ ОБИТЕЛЬ, И В СОВЕРШЕНИЕ ВСЕХ ТВОИХ
ДОБРОДЕТЕЛЕЙ, НАСЛАЖДАЛСЯ ЕСИ ТРАПЕЗЫ ГОСПОДНИ,
ВКУШАЯ СО БЛАГОГОВЕНИЕМ И ВЕСЕЛИЕМ ТЕЛО И КРОВЬ
ИИСУСА ХРИСТА. МЫ ЖЕ ВЗИРАЮЩЕ НА ТЯ, ЛЮБЕЗНО
ВОПИЕМ ТИ:

РАДУЙСЯ, ИСТИННЫЙ УЧЕНИЧЕ ХРИСТОВ, ЕГОЖЕ
ЖЕЛАНИЕМ ВОЗЖЕЛЕЛ ЕСИ ИСПОЛНИТИ ВОЛЮ.

РАДУЙСЯ, ШЕСТВОВАВАВЫЙ ОТ ВЕРЫ В ВЕРУ, ОТ СЛАВЫ В
СЛАВУ.

РАДУЙСЯ, ПРИСНОТЕКУЩАГО ЖИВОДАТЕЛЬНОГО
ИСТОЧНИКА СЛАДОСТЕЙ НАСЛАДИВЫЙСЯ.

РАДУЙСЯ, ВКУШЕНИЕМ БРАШНА НЕГИБЛЮЩАГО, ВЕЧНАГО,
ПРЕДВКУСИВЫЙ НЕБЕСНАЯ БЛАЖЕНСТВА.

РАДУЙСЯ, УДОСТОИВЫЙСЯ НЕПОСТИЖИМАГО ТАИНСТВА,
НА НЕЖЕ ПРИНИКНУТИ АНГЕЛИ ЖЕЛАЮТ, ОБЩНИК БЫТИ.

РАДУЙСЯ, ЧРЕЗ СОЕДИНЕНИЕ СИЕ ПРИЗВАННЫЙ СО
ХРИСТОМ В ЦАРСТВЕ СЛАВЫ ЖИТИ.

РАДУЙСЯ, ЧЕЛОВЕЧЕ ИСПОЛНЕННЫЙ БОГОМЫСЛИЯ И
ПРЕЗРЕВЫЙ ВСЯ ЗЕМНАЯ.

РАДУЙСЯ, ВО ОТВРАЩЕНИЕ ЕЖЕ НЕ ВИДЕТИ СУЕТЫ, ГЛАВУ
И ЛИЦЕ СХИМОЮ ПОКРЫВЫЙ.

РАДУЙСЯ, О ВРЕМЕНИ КОНЧИНЫ ТВОЕЯ, ЕЖЕ ОТ ЧЕЛОВЕК
НИКТОЖЕ ВЕСТЬ, ПРЕДВОЗВЕСТИВЫЙ.

РАДУЙСЯ, ПО НЕКОЕМ НЕДУЗЕ МАЛЕМ КРЕСТООБРАЗНО
РУЦЕ К ПЕРСЕМ СЛОЖИВЫЙ.

РАДУЙСЯ, ДУХ ТВОЙ С ВЕСЕЛИЕМ В РУЦЕ ГОСПОДНИ
ПРЕДАВЫЙ.

РАДУЙСЯ, ЖИТИЕ ЗЕМНОЕ БОЖЕСТВЕННЫМ ГЛАСОМ:
«БЛАГОСЛОВЕН БОГ, СИЦЕ БЛАГОВОЛИВЫЙ, СЛАВА ТЕБЕ»,
ЗАПЕЧАТЛЕВЫЙ.

РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 9

ВСЯКОМУ ЕСТЕСТВУ ЧЕЛОВЕЧЕСКОМУ И АНГЕЛЬСКОМУ
ДОСТОИТ ДИВИТСЯ ВЕЛИКИМ ОТ СТРАНЫ ТВОЕЯ
ПОДВИГОМ И ЧУДНОМУ СВЫШЕ ТЕБЕ ДАРОВАНИЮ:
ТОЛИКО БО ПОРАБОТИЛ ЕСИ ПЛОТЬ ДУХОВИ, ЯКО НА
ЗЕМЛИ НЕВЕЩЕСТВЕННОЕ, РАВНОАНГЕЛЬНОЕ ЖИТИЕ
ПОКАЗАЛ ЕСИ, И ЖИВЯ ДУХОМ, ДУХОМ И ХОДИЛ ЕСИ, И ВО
ПЛОТИ АКИ БЕЗПЛОТЕН ЯВИЛСЯ ЕСИ.

СЕГО РАДИ МНОГИХ ЧУДЕС ТВОРЕНИЯ ОТ ГОСПОДА
ПРИЕМ, ЧИСТОЮ И БОГОПРИЯТНОЮ ДУШЕЮ,
БЛАГОДАТИЮ ТОГО, КО ИЗБРАННЫМ ПРИЧТЕН ЕСИ
НЕБЕСНЫМ СИЛАМ В НЕСКОНЧАЕМОМ ЦАРСТВИИ, ИДЕЖЕ
ПОЕШИ ВСЕСИЛЬНОМУ БОГУ: АЛЛИЛУИА.

ИКОС 9

ВИТИЙ МНОГОВЕЩАННЫХ ЯЗЫК НЕДОУМЕЕТ ТЯ,
ДОСТОЙНЫЙ ВСЯКИЯ СЛАВЫ, СЛАВНЕ ПРЕПОДОБНЕ ОТЧЕ
НИКАНДРЕ, ПО ДОСТОЯНИЮ ВОСХВАЛИТИ И БЛАГОЛЕПНО
ПРОСЛАВИТИ ПАЧЕ-ЕСТЕСТВЕННАЯ ДЕЛА ТВОЯ,
ЯЖЕ ТВОРИЛ ЕСИ НА ЗЕМЛИ ВО ПЛОТИ СУЩУ ТИ.
НО И ПО ПРЕСТАВЛЕНИИ ТВОЕМ В ВЕЧНОЕ ЦАРСТВО
СЛАВЫ, ИДЕЖЕ НЫНЕ ПО ТРУДЕХ И ПОДВИЗЕХ СЛАДОСТНО
ПОЧИВАЕШИ, МНОГАЯ И ПРЕСЛАВНАЯ ЧУДЕСА ТВОРИТИ
НАМ НЕ ПРЕСТАЕШИ:

ЧЕСТНАЯ БО РАКА, ИДЕЖЕ ПОЧИВАЮТ СВЯТЫЯ ТВОЯ
МОЩИ, ЕСТЬ ПОДОБНА СИЛОАМУ, ОТНУДУЖЕ ХРОМИИ,
СЛЕПИИ, НЕДУЖНИИ И РАЗСЛАБЛЕННИИ ЗДРАВИЕ
УЛУЧАЮТ.

МЫ ЖЕ, ИМУЩЕ ТАКОВОЕ БЕЗЦЕННОЕ СОКРОВИЩЕ,
БЛАГОДАРСТВОМ УБЕЖДАЕМИ, ВОСПЕВАЕМ ТАКО:
РАДУЙСЯ, ЗЕМНЫЙ АНГЕЛЕ И НЕБЕСНЫЙ ЧЕЛОВЕЧЕ.
РАДУЙСЯ, ВО ПЛОТИ ЖИВЫЙ ДУХОВНО, В МИРЕ
ПРЕМИРНО.

РАДУЙСЯ, ЧЕСТНОЕ НОСИЛО И ПОХВАЛЕНИЕ СВЯТЫЯ
ТРОИЦЫ.

РАДУЙСЯ, ТРИЧАСТНОЕ ДУШИ ТВОЕЯ ПОСВЯТИВЫЙ
ЕДИНОМУ ГОСПОДУ.

РАДУЙСЯ, КРИЛОМА РАЗУМА ВОЗЛЕТЕВЫЙ К
ТРИСОЛНЕЧНОМУ СВЕТУ.

РАДУЙСЯ, ВОЛЕЮ ТВОЕЮ ПОТЩАВЫЙСЯ СВЯТИТИ СЕБЕ,
ЯКОЖЕ СВЯТ ГОСПОДЬ БОГ НАШ.

РАДУЙСЯ, ИМЕЯЙ ПОПЕЧЕНИЕ НЕ СЕБЕ ТОЧИЮ, НО И
ВСЕМ БЛАЖЕНСТВА ДОСТИГНУТИ.

РАДУЙСЯ, ИСПОЛНЕННЫЙ МИРА И ЛЮБВЕ БОЖИЯ, ИМИЖЕ
КО ВСЕМ МИРОЛЮБИВ И БРАТОЛЮБИВ БЫЛ ЕСИ.

РАДУЙСЯ, ОСЕНЯЕМЫЙ ДУХОМ БЛАГОДАТЕЙ, И
ПРИТЕКАЮЩИХ К ТЕБЕ ВО СПАСЕНИЕ УМУДРЯЙ.

РАДУЙСЯ, В РАСКАЯНИЕ ПРИШЕДШИХ МИЛОСЕРДИЕМ
БОЖИИМ УТЕШАЯЙ.

РАДУЙСЯ, ПРЕД ЛИЦЕМ БОЖИИМ, ЯКО РАБ ПРЕД
ГОСПОДЕМ, ХОДИВЫЙ.

РАДУЙСЯ, ПОДВИЖНИЧЕ, ТАКО ТЕКИЙ, ЯКО ДОСТИГЛ ЕСИ
ВЕНЦА ТВОЕГО, ЕГОЖЕ И НАС УЛУЧИТИ СПОДОБИ.

РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 10

СПАСЕНИЕ ХОТЯ УЛУЧИТИ ДУШИ ТВОЕЙ, ПРЕПОДОБНЕ, ОТ
ЮНОСТИ ТВОЕЯ, ДАЖЕ ДО КОНЧИНЫ, ШЕСТВОВАЛ ЕСИ
ПУТЕМ УЗКИМ И ПРИСКОРБНЫМ, ВЗЕМ КРЕСТ НА РАМО,
ВЕДЫЙ, ЯКО ШИРОКИЙ И ПРОСТРАННЫЙ ПУТЬ ЕСТЬ
ВВОДЯЙ В ПАГУБУ.

ТЕМЖЕ АЩЕ И ТЕРНИЕ, И НЕПРОХОДИМАЯ МЕСТА, И ЗЛАЯ
ПРИКЛЮЧЕНИЯ ЗАПИНАХУ ТЕБЕ: ОБАЧЕ, ПРЕДШЕСТВУЮЩУ
ТЕБЕ ВЕРНОМУ ВОЖДЮ И ПОБОРНИКУ ИИСУСУ,

ИКОС 10

СТЕНА НЕОБОРИМАЯ ЕСИ ВСЕМ ЗЕМНОРОДНЫМ, КО
СКОРОМУ ТВОЕМОУ ЗАСТУПЛЕНИЮ И ПРЕДСТАТЕЛЬСТВУ
ПРИТЕКАЮЩИМ, ПРЕБЛАЖЕННЕ ОТЧЕ НИКАНДРЕ!
ТЕМЖЕ И НАМ КО СВЯТЫМ МОЩАМ ТВОИМ,
НЕВИДИМЫМИ АНГЕЛАМИ СТРЕГОМЫМ, С ВЕРОЮ
ПРИХОДЯЩИМ, И МИЛОСТИВЫЯ КОЕМУЖДО ПО ПОТРЕБЕ
ПОМОЩИ ПРОСЯЩИМ, БУДИ СТЕНА КРЕПКАЯ И ОПЛОТ
НЕРУШИМЫЙ, ОТ ВСЯКИХ НАС БЕД ЗАСТЕНЯЯ И ОГРАЖДАЯ,
ЗА ЕЖЕ МЫ ВОПИЕМ ТЕБЕ ТАКОВАЯ:

РАДУЙСЯ, БЫСТРЫЙ ПРЕДСТАТЕЛЮ, ПРИЕМЛЯЙ
ПРОШЕНИЯ НАША И НА ЖЕРТВЕННИК БЛАГОУТРОБИЯ
БОЖИЯ ВОЗНОСЯЙ.

РАДУЙСЯ, КОЕГОЖДО ПРОШЕНИЯ В ИХ ПОЛЬЗУ
ИСПОЛНЯЯЙ.

РАДУЙСЯ, СКОРОЕ УСЛЫШАНИЕ НИЩИХ.

РАДУЙСЯ, СЕРДОБОЛЬНЫЙ СУДИЕ ВДОВИЦ И ОТЧЕ СИРЫХ.

РАДУЙСЯ, ОЗЛОБЛЯЕМЫХ НЕПОВИННО РЕВНОСТНЫЙ
ЗАЩИТИТЕЛЮ.

РАДУЙСЯ, БОЛЯЩИХ ДУШЕЮ И ТЕЛОМ БЕЗМЕЗДНЫЙ
ИСЦЕЛИТЕЛЮ.

РАДУЙСЯ, ПИЩЕ И ОТРАДО АЛЧУЩИХ И ЖАЖДУЩИХ.

РАДУЙСЯ, СОГРЕЯНИЕ ВО МРАЗЕХ СУЩИХ.

РАДУЙСЯ, ОБУРЕВАЕМЫХ НЕМЯТЕЖНОЕ ПРИСТАНИЩЕ.

РАДУЙСЯ, ДОБРЫЙ КОРМЧИЮ, ЖИТИЯ СЕГО КОРАБЛЬ
УПРАВЛЯЯЙ.

РАДУЙСЯ, ОСКУДЕНИЯ ОБИТЕЛИ ТВОЕЯ БОГАТНЕ
ИСПОЛНИВЫЙ.

РАДУЙСЯ, ХРАМЫ СВЯТЫЯ И ЗДАНИЯ, СНЕДЕННЫЯ ОГНЕМ,
СОГРЕЯНИЕМ СЕРДЕЦ БЛАГОГОВЕЮЩИХ БЛАГОЛЕПНЕ
ОБНОВИВЫЙ.

РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 11

ПЕНИЮ ВСЯКОМУ ЗЕМНОРОДНЫХ ДОСТОИТ УМОЛКНУТИ В ПРОСЛАВЛЕНИИ ПРЕВЫШАЮЩИХ СИЛЫ ЧЕЛОВЕЧЕСКИЯ ТРУДОВ ТВОИХ, ИМИЖЕ ДОБРЕ ПОТРУДИЛСЯ ЕСИ В ПУСТЫНИ, ВОЗДЕЛЫВАЯ НИВУ СЕРДЦА ТВОЕГО КО ДУХОВНОМУ ПЛОДОНОШЕНИЮ.

КТО БО ОТ ЧЕЛОВЕК ВОЗВЕЛИЧИТ СУРОВОЕ ЖИТИЕ ТВОЕ, КТО ПРОСЛАВИТ МУЖЕСТВЕННЫЯ ПОДВИГИ ТВОЯ, БЕЗМОЛВИЕ СОВЕРШЕННОЕ, СМИРЕНИЕ, НЕЗЛОБИЕ, НИЩЕТУ ДУХОВНУЮ, ПОСТ МНОГОДНЕВНЫЙ, МОЛИТВУ НЕПРЕСТАННУЮ, ЧИСТОТУ ПО ВНУТРЕННЕМУ И ВНЕШНЕМУ ЧЕЛОВЕКУ, ЗА НЯЖЕ СПОДОБИЛСЯ ЕСИ СО ВСЕМИ БЕЗ ПОРОКА ПОСЛЕДУЮЩИМИ АГНЦУ, ВО ПРЕПОДОБИИ И ПРАВДЕ ПОЖИВШИМИ, ПЕТИ: АЛЛИЛУИА.

ИКОС 11

СВЕТОЗАРНОЕ СВЕТИЛО ЯВИЛСЯ ЕСИ НЕ ТОЧИЮ ВО СТРАНАХ НОВАГРАДА И ПСКОВА, НО И ВСЮ БОГОСПАСАЕМУЮ РОССИЮ ОСВЕЩАЕШИ ЗЛАТОВИДНЫМИ ЛУЧАМИ ТВОЕГО ПУСТЫННАГО И БОГОУГОДНАГО ЖИТИЯ, ПРЕПОДОБНЕ, И ОБИЛЬНЫМИ ВОДАМИ, ОТ ЦЕЛЬБОНОСНЫХ МОЩЕЙ ТВОИХ, НАПАЯЕШИ ВСЕХ ВЕРНЫХ, ВОПИЮЩИХ К ТЕБЕ ТАКОВАЯ:

РАДУЙСЯ, ИСПОВЕДАВЫЙ ХРИСТА ИИСУСА СЛОВОМ И ДЕЛОМ ПРЕД ЧЕЛОВЕКИ.

РАДУЙСЯ, ЯКО В ВОЗДАЯНИЕ ЗА СΙΑ, ИСПОВЕДАН ЕСИ ОТ НЕГО ПРЕД АНГЕЛЫ БОЖИИМИ ВО ВЕКИ.

РАДУЙСЯ, БЛАГИЙ ДЕЛАТЕЛЮ ВИНОГРАДА ХРИСТОВА, ПОНЕСЫЙ ТЯГОТУ ДНЕ И ВАР.

РАДУЙСЯ, ПЛОДЫ ТРУДОВ ТВОИХ, ЯКО ПЕРВОРОДНОЕ, ПРИНЕСЫЙ ГОСПОДУ В ДАР.

РАДУЙСЯ, МИРОМ СЛЕЗ ТВОИХ В ВЕРЕ ПОМАЗАВЫЙ НОЗЕ ИИСУСА.

РАДУЙСЯ, ЯКО, ИДЕЖЕ ГЛАС ЕВАНГЕЛСКИЙ ПРОНИЦАЕТ, ВОЗВЕЩАЕТСЯ ИМЯ ТВОЕ.

РАДУЙСЯ, ТЕЛО ТВОЕ УГОТОВАВЫЙ В ЖИЛИЩЕ ДУХУ СВЯТОМУ.

РАДУЙСЯ, И ПО СМЕРТИ, ДЕЙСТВОВАТИ ЕМУЖЕ В НЕМ
ЛЮДЕМ НА ПОЛЬЗУ, УДОСТОИВЫЙСЯ.

РАДУЙСЯ, ЯКО МОЩЕЙ ТВОИХ ДЕМОНСКИЯ СИЛЫ
ТРЕПЕЩУТ.

РАДУЙСЯ, ЯКО МОЩИ ТВОЯ КОЕМУЖДО В
ПРИКЛЮЧИВШИХСЯ ПЕЧАЛЕХ УВЕСЕЛЕНИЕ ИСТОЧАЮТ.
РАДУЙСЯ, ВОСТЕКИЙ НА НЕБЕСА ДУШЕЮ, ЯКО ИЛИЯ
ЕЛИССЕЕВИ ЖЕ ОСТАВИВЫЙ МИЛОТЬ, ТЫ ЖЕ НАМ МОЩИ
ТВОЯ.

РАДУЙСЯ, ЯКО СИЛОЮ ИХ, ЯКОЖЕ ТОЙ МИЛОТИЮ
РАЗДЕЛЯШЕ ВОДЫ, МЫ, ЛОБЫЗАЮЩЕ Я, РАЗДЕЛЯЕМ ВОДЫ
СКОРБЕЙ И ШЕСТВУЕМ ПО СУШИ ИСПОЛНЕНИЯ ЖЕЛАНИЙ
ВО БЛАГИХ.

РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 12

БЛАГОДАТЬ, ДАННУЮ ПРЕПОДОБНОМУ СЕРГИЮ,
ПРОПОВЕДАШЕ ИНОГДА ВЕЛИКИЙ КНЯЗЬ ДИМИТРИЙ С
ВОИ СВОИМИ, ЕГДА ТОЙ МОЛИТВОЮ ЕГО И ПОМОЩИЮ
ДУХОВНЫХ, ДАННЫХ ЕМУ ОТ НЕГО, НЕЧЕСТИВЫХ
АГАРЯН ПОБЕДИЛ ЕСТЬ.

РАВНО И МЫ БЛАГОДАТЬ ТВОЮ ПРОПОВЕДУЕМ, ЕГДА,
ОБЛЕЖАЩУ ПСКОВ ЗЛОЧЕСТИВОМУ БАТОРИЮ С
ПОЛЧИЩИ СВОИМИ, ПРОВЕЛ ЕСИ МОЛИТВОЮ ТВОЕЮ
ЖИТЕЛЕЙ СТРАНЫ СЕЯ БЕЗВРЕДНЫХ ПОСРЕДЕ ОГНЯ И
МЕЧА, ШЕДШИХ СО ОСВЯЩЕННЫМ СОБОРОМ НА
ПОГРЕБЕНИЕ ТВОЕГО ТЕЛА:

ОТУНУДУЖЕ ПОЧЕРПАЮЩЕ НАДЕЖДУ, ИЗБАВЛЯТИСЯ И
ВСЯКОЙ СТРАНЕ ЧТУЩЕЙ ТЯ ОТ НАШЕСТВИЯ
ИНОПЛЕМЕННЫХ ТВОИМ ЗАСТУПЛЕНИЕМ, ВОПИЕМ БОГУ:
АЛЛИЛУИА.

ИКОС 12

ПОЮЩЕ БЛАГОГОВЕЙНО ПУСТЫННИЧЕСКИЯ ПОДВИГИ
ТВОЯ, УГОДНИЧЕ БОЖИЙ НИКАНДРЕ, ИМИЖЕ ДОСТИГЛ
ЕСИ БЕЗСМЕРТНЫЯ СЛАВЫ НА НЕБЕСЕХ,

И ВЕЧНОЕ ТВОЕ УСПЕНИЕ В СМЕРТИ, ПРОСЛАВЛЯЕМ
СЕРДЦЕМ И УСТНАМИ БОГА ВСЯКАГО УТЕШЕНИЯ И ЩЕДРОТ,
ДАРОВАВШАГО НАМ ТЕБЕ,
ТАКОВАГО МУЖЕСТВЕННОГО ПОДВИЖНИКА НА
НЕВИДИМЫХ ВРАГОВ В ПОСЛЕДОВАНИЕ, И ТАКОВАГО
МИЛОСТИВАГО ОТЦА, ИЖЕ И ПО ПРЕСТАВЛЕНИИ СВОЕМ
НАС НЕ ОСТАВЛЯЕШИ, НО ОБИЛЬНЫМИ ЧУДЕС ВОДАМИ
ВСЕГДА НАПАЯЕШИ, ОЧИЩАЕШИ И ПРОХЛАЖДАЕШИ. ТЕМЖЕ
НАДГРОБНУЮ СОВЕРШАЮЩЕ ПЕСНЬ, УБЛАЖАЕМ
ДОСТОПАМЯТНОЕ ЖИТИЕ ТВОЕ ЛЮБЕЗНЫМ
ВОСПОМИНАНИЕМ И УСЕРДНЫМ ЦЕЛОВАНИЕМ:
РАДУЙСЯ, ЧЕЛОВЕЧЕ БОЖИЙ, ДЕВЯТИЮ БЛАЖЕНСТВЫ
ЕВАНГЕЛЬСКИМИ УКРАШЕННЫЙ.
РАДУЙСЯ, ВО СВЕТЕНИЕ ЧУДЕСНОЕ ЦЕРКВИ ПРАВОСЛАВНЕЙ
НА ВЫСОТЕ ПОСТАВЛЕННЫЙ.
РАДУЙСЯ, УПОДОБИВЫЙСЯ ОНУФРИЮ И СЕРГИЮ ВЕЛИКИМ,
ПОДРАЖАЯ ЖИТИЕМ В ПУСТЫНИ.
РАДУЙСЯ, АЛЕКСАНДРУ СВИРСКОМУ, ЯВЬШЕМУСЯ ТИ
СУГУБО НА УКРЕПЛЕНИЕ ПРОТИВУ НАПАДЕНИЙ БЕСОВСКИХ,
ПОСЛЕДОВАВАЫЙ ВО СВЯТЫНИ.
РАДУЙСЯ, МОЙСЕЮ БОГОВИДЦУ ПОРЕВНОВАВАЫЙ В
ПРЕЗРЕНИИ ВРЕМЕННЫХ СЛАДОСТЕЙ.
РАДУЙСЯ, ПОНОШЕНИЕ ХРИСТОВО ВМЕНИВАЫЙ БОЛШЕЕ
БОГАТСТВО, ПАЧЕ ВСЕХ СОКРОВИЩ, ВЗИРАЯ НА
МЗДОВОЗДАЯНИЕ НЕБЕСНЫХ РАДОСТЕЙ.
РАДУЙСЯ, МИР ИМЕВАЫЙ И СВЯТЫНЮ СО ВСЕМИ, ИХЖЕ
РАДИ ЗРИШИ БОГА.
РАДУЙСЯ, ПО СТЕПЕНЕМ ДОБРОДЕТЕЛЕЙ ПРИСТУПИВАЫЙ КО
ГРАДУ БОГА ЖИВАГО, КО ИЕРУСАЛИМУ НЕБЕСНОМУ.
РАДУЙСЯ, ОТТУДУ ХОДАТАЙСТВОМ ТВОИМ НИСПОСЫЛАЯЙ
ВСЯ НАМ БЛАГАЯ ВРЕМЕННАЯ И ВЕЧНАЯ.
РАДУЙСЯ, ПОБЕДИТЕЛЮ ВИДИМЫХ И НЕВИДИМЫХ ВРАГОВ,
СОТВОРЕННЫЙ СТОЛПОМ В ЦЕРКВИ, НА НЕМЖЕ НАПИСАНО
ИМЯ БОЖИЕ.
РАДУЙСЯ, УМЕРЫЙ МИРОВИ ЖИВ ЖЕ БОГОВИ, МЕРТВЫМ
ДУШЕЮ ДАРУЯЙ ЖИТИ.
РАДУЙСЯ, ЖИВАЫЙ ВО ВЕКИ ВО ЦАРСТВИИ НЕБЕСНОМ СО
ХРИСТОМ, С НИМЖЕ И НАМ МОЛИ БЫТИ.
РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 13

О ПРЕБЛАЖЕННЕ, ПРЕПОДОБНЕ, ВЕЛИКИЙ ЧУДОТВОРЧЕ
НИКАНДРЕ, МИЛОСТИВЕЙШИЙ ВО ДНЕХ НАШИХ
ПОКРОВИТЕЛЮ И ОТЧЕ!
НЫНЕШНЕЕ ПРИИМИ ОТ СЕРДЦА, ПОДОБАЮЩЕЕ ТЕБЕ,
ПРИНОСИМОЕ МОЛЕНИЕ, И ТВОИМ НЕПОСТЫДНЫМ
ХОДАТАЙСТВОМ У НЕБЕСНАГО ЦАРЯ ИСПРОСИ:
СТРАЖДУЩУЮ СТРАНУ РОССИЙСКУЮ ХРИСТОС БОГ ОТ
ЛЮТЫХ БЕЗБОЖНИК И ВЛАСТИ ИХ ДА СВОБОДИТ, И ДА
ВОЗСТАВИТ ПРЕСТОЛ ПРАВОСЛАВНЫХ ПРАВИТЕЛЕЙ;
ВЕРНЫХ РАБОВ ЕГО, В СКОРБИ И ПЕЧАЛИ ДЕНЬ И НОЩЬ
ВОПИЮЩИХ К НЕМУ, МНОГОВОЛЕЗНЫЙ ВОПЛЬ ДА
УСЛЫШИТ И ДА ИЗВЕДЕТ ОТ ПОГИБЕЛИ ЖИВОТ НАШ, ОТ
ВРАГ ВИДИМЫХ И НЕВИДИМЫХ, ОТ ВСЯКИХ БЕД,
НАПАСТЕЙ И СКОРБЕЙ, И ИСХОДАТАЙСТВУЙ ВСЕМ,
УСЕРДНО ПРИЗЫВАЮЩЫМ ТЯ, ПРОЧЕЕ ВРЕМЯ ЖИВОТА В
МИРЕ И ИСТИННЕМ ПОКАЯНИИ СКОНЧАВШЕ, В НЕБЕСНОМ
ЦАРСТВИИ С ТОБОЮ ПЕТИ ВО ВЕКИ: АЛЛИЛУИА.

**ЭТОТ КОНДАК ЧИТАЕТСЯ ТРИЖДЫ, ЗАТЕМ ИКОС 1-Й И
КОНДАК 1-Й**

ИКОС 1

АНГЕЛЬСКИМИ ДЕВЯТОЧИСЛЕННЫМИ СИЛАМИ
ОКРУЖАЕМЫЙ СЛАВЫ ГОСПОДЬ, ПРЕДЪУВЕДЕВ
НЕУКЛОННОЕ СЕРДЦА ТВОЕГО ИЗВОЛЕНИЕ, ЯКО ХОЩЕШИ
БЫТИ ПОКОРИВЫМ УЧЕНИКОМ И ТЩАЛИВЫМ
ИСПОЛНИТЕЛЕМ ЗАПОВЕДЕЙ ЕГО, ВДОХНУ ТЕБЕ, ЯКОЖЕ
ДРЕВЛЕ ПРОРОЧИЦЕ АННЕ, ЕЖЕ ПРИБЕГАТИ КО ХРАМУ
ГОСПОДНЮ, ДА НАУЧИШИСЯ ТАМО НАЧАЛОМ
ПРЕМУДРОСТИ, ЯЖЕ ЕСТЬ СТРАХ ГОСПОДЕНЬ:
ТЕМЖЕ И НАУЧИ НАС СО УДИВЛЕНИЕМ ВОСПЕВАТИ ТЕБЕ
ТАКОВАЯ:
РАДУЙСЯ, БЛАГОЧЕСТИВАГО КОРЕНЕ БЛАГОЕ ПРОЗЯБЕНИЕ.
РАДУЙСЯ, ЧУДНОЕ ВСЕХ ХРИСТИАНСКИХ ДОБРОДЕТЕЛЕЙ
ПЛОДОПРИНОШЕНИЕ.
РАДУЙСЯ, МЛАДЕНЧЕ, ПРИ КУПЕЛИ ОБНОВЛЕНИЯ
ПОСВЯТИВЫЙ СЕБЕ ГОСПОДУ НА СЛУЖЕНИЯ ВЕРНАЯ.

РАДУЙСЯ, ПОМАЗАННИЧЕ, ВОСПРИЕМЫЙ СВЫШЕ
ВСЕОРУЖИЯ ДУХОВНАЯ.

РАДУЙСЯ, ТЕМИ ОТ ЮНОСТИ НА ТЕЛО СВОЕ, НА МИР СЕЙ И
ДИАВОЛА СЕБЕ ОПОЛЧИВЫЙ.

РАДУЙСЯ, РАЗУМ СВОЙ КО СВЕТУ БОГОВЕДЕНИЯ
ВОСПЕРИВЫЙ.

РАДУЙСЯ, ОЧИМА ТВОИМА ВСЮДУ ГОСПОДА ИСКАВЫЙ И В
НЕМ НАМЕРЕНИЕ ПОЛАГАВЫЙ.

РАДУЙСЯ, СЛУХИ ТВОЯ НА ВОСПРИЯТИЕ ГЛАГОЛОВ
БОЖИИХ, ИМИЖЕ ВОЗРАЖДАЕТСЯ ВЕРА, ОБРАТИВЫЙ.

РАДУЙСЯ, УСТА ТВОЯ НА СЛАВОСЛОВИЕ БОЖИЕ И
ПСАЛМОПЕНИЕ, НА НАЗИДАНИЕ ИСКРЕННЕМУ ТВОЕМУ В
ДУШЕПОЛЕЗНЕМ ОТВЕРЗАЯЙ.

РАДУЙСЯ, РУЦЕ ТВОИ НА ТВОРЕНИЕ БЛАГОДЕЯНИЯ
ТРЕБУЮЩЫМ УСТРОЯЯЙ.

РАДУЙСЯ, НОЗЕ ТВОИ ШЕСТВОВАТИ ПО ПУТЕМ
ОПРАВДАНИЙ ГОСПОДНИХ УПРАВЛЯЯЙ.

РАДУЙСЯ, ВСЯ ТВОЯ ДУШЕВНАЯ И ТЕЛЕСНАЯ ЧУВСТВА НА
БЛАГОУГОЖДЕНИЕ ПОДАТЕЛЮ ВСЕХ БЛАГ УСТРЕМЛЯЯЙ.

РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

КОНДАК 1

ВОЗБРАННЫЙ ОТ НАЧАЛЬНИКА И СОВЕРШИТЕЛЯ ВЕРЫ,
ГОСПОДА ИИСУСА, ДАННЫЙ ВО ОБРАЗ ПОСЛЕДОВАНИЯ
ПРАВОСЛАВНЫЯ ЦЕРКВЕ СОСЛОВИЮ, ДОБЛЕСТВЕННЫЙ
ПОДВИЖНИЧЕ И ЧУДОТВОРЧЕ ПРЕДИВНЫЙ, ПРЕПОДОБНЕ
ОТЧЕ НИКАНДРЕ!

ПОХВАЛЬНАЯ СО БЛАГОДАРЕНИЕМ ПРИНОСИМ ТИ
МОЛИТВЕННИЦЫ ТВОИ: ИБО ТЕПЛЫМ ТВОИМ
ПРЕДСТАТЕЛЬСТВОМ У ЦАРЯ НЕБЕСНАГО ВСЯ ПОЛЕЗНАЯ И
СПАСИТЕЛЬНАЯ ХОДАТАЙСТВУЕШИ НАМ. ЯКО ИМЕЯ
ДЕРЗНОВЕНИЕ КО ПРЕСТОЛУ БЛАГОДАТИ, ОТ ВСЯКИХ НАС
ЗЛОКЛЮЧЕНИЙ СВОБОДИ, ДА ЗОВЕМ ТИ:

РАДУЙСЯ, ПРЕБЛАЖЕННЕ НИКАНДРЕ, ПРЕПОДОБНЕ ОТЧЕ
НАШ.

